

werden die Heiden gehorchen/ Vnd Psal. 2:
Heische von mir / so wil ich dir die Heiden
zum Erbe geben/ Von solchem Reich vnter
den Heiden / redet dieser Psalm auch / vnd
malet damit die Person des Sons zc.

Summa/Es ist/ Ein Gott/ Ein **DEUS**/
Eine Göttliche Maiestet/ Natur vnd wesen/
aller drey Personen/ Aber/ Es offenbart sich
zu weilen die Person des Vaters / Zu weilen
des Sons / Zu weilen des Heiligen geists/
Welche sich nu offenbart/ So ist der Einig
ge Gott/ in drey Personen/ Auff das wir die
Göttliche Maiestet recht erkennen/ vnd nicht
wie Jüden/ Ketzler/ Mahmet/ blindfeld ein
hin glauben/ als sey Gott nichts mehr/ denn
ein Einige Person/ Das wil Gott nicht ha-
ben/ Sondern wil erkand sein/ wie er sich vns
offenbart/ Vnd sonderlich ist Gott zu thun/
vmb die offenbarung vnd erkenntnis seines
Sons/ durch die gantze Schrift / Alts vnd
Neyen Testaments / Alles gehets auff den
Son / Denn die Schrift ist gegeben/ vmb
des Messia/ oder Weibs samens willen / der
alles wider zu recht bringen sol / was die
Schlange verderbt hat/ Sünde/ Tod/ Zorn
weg nemen/ Vnschuld/ Leben/ Paradis vnd
Himmelreich wider bringen/ Vnd gleich/ wie
der fal Adam ist geschehen/ das er sich vnter
schiedlich an den Son sties/ vnd doch damit

S ij zu gleich